

# KOMINIKE POU LAPRES

Anbasad peyi Etazini Damerik  
Biro Zafè Piblik



14, Aveni Mari-Jan  
Pòtoprens, Ayiti  
Tel: 222-1504 / 222-5726  
Fax: 223-8324

Nan dat 19 desanm 2007  
No. 2007/86

## Lajan pou peye pou fè aplikasyon pou mande viza ameriken non-imigran pral ogmante apati mwa janvye 2008 tout kote nan lemond

Apati dat premye janvye 2008 la, lajan pou peye pou fè aplikasyon pou mande viza ameriken non-imigran pral pase a 131 dola olye 100 dola ameriken tout kote nan lemond. Ogmantasyon sila-a pral pèmèt Depatman Deta-a rekipere lajan li depanse nan sekirite ak lòt amelyorasyon nan pwosesis pou mande viza non-imigran an. Ogmantasyon sa-a li aplike nan de (2) ka sila yo : viza non-imigran Konsila-a te bay ak kat yo te bay moun ki te fè demand lan nan peyi Meksik, yo te otorize yo travèse fwontiè-a.

Moun kap fè demand viza epi ki te peye 100 dola frè aplikasyon an anvan dat premye janvye 2008, yap trete dosye yo sèlman si randevou yo genyen pou yon entèviou pwograme anvan dat 31 janvye 2008. Moun ki te peye 100 dola frè aplikasyon epi ki jwenn randevou pou apre 31 janvye 2008 ap gen pou peye diferans 31 dola-a anvan li pase entèviou a.

Akòz mezi sekirite, nouvo sistèm teknoloji enfòmasyon ak lavi-a kap vin pi chè, 100 dola yo mande-a kòm frè pou emèt viza-a pi piti pase sa prosesis pou emèt viza non-imigran an koute. Kidonk, frè 100 dola a te deja enferyè a sa prosesis pou emèt viza non-imigran an koute pwiske frè sila yo te anndan sa yo te mande pou etidye dosye a nan lane 2004. Dépatman Deta-a te oblige absòbe frè ki an plis yo. Frè aplikasyon yo ogmante pandan de (2) fwa depi 11 septanm, epi denyè fwa-a sete nan lane 2002 akoz lajan Ajans Investigasyon Federal (FBI) la mande pou fè anprent chak moun.

(Tesk la fini)